

WARTA KERAJAAN

| Enakmen Bil. | Nama | Muka |
|-------------------|---|------|
| Bil. 1 Tahun 1998 | <u>Enakmen Hiburan dan Tempat- Tempat Hiburan 1998</u> | 3 |
| | Entertainment and Places of Entertainment Enactment 1998 | 27 |



NEGERI PULAU PINANG

Warta Kerajaan

DITERBITKAN DENGAN KUASA

GOVERNMENT OF PENANG GAZETTE

PUBLISHED BY AUTHORITY

Jld. 42
Bil. 19

10 September 1998

TAMBAHAN No. 1
ENAKMEN

Enakmen-enakmen yang berikut, yang telah diluluskan oleh Dewan Undangan Negeri, Pulau Pinang, pada hari yang kesepuluh dalam bulan Jun 1998 dan telah diperkenankan oleh Tuan Yang Terutama yang di-Pertua Negeri pada hari ketujuh belas dalam bulan Ogos 1998, adalah disiarkan mengikut kuasanya syarat-syarat Artikel 26 dalam Perlembagaan Negeri Pulau Pinang:

The following Enactments, passed by the Legislative Assembly of the State of Penang on the tenth day of June 1998 and assented to by His Excellency the Yang di-Pertua Negeri on the seventeenth day of August 1998, are published in accordance with the provisions of Article 26 of the Constitution of the State of Penang :

| Enakmen Bil. | Nama | Muka |
|-------------------|---|------|
| Bil. 1 Tahun 1998 | Enakmen Hiburan dan Tempat- Tempat Hiburan 1998 | 3 |
| | Entertainment and Places of Entertainment Enactment 1998 | 27 |

ENAKMEN HIBURAN DAN
TEMPAT-TEMPAT HIBURAN 1998

1

SUSUNAN SEKSYEN

BAHAGIAN I
PERMULAAN

Seksyen

1. Tajuk ringkas dan mula berkuat kuasa.
2. - Tafsiran.

BAHAGIAN II
PENTADBIRAN

3. Perlantikan Pegawai Pelesen.
4. Kuasa Pihak Berkuasa Negeri untuk mengeluarkan arahan.
5. Pemberikuasaan.

BAHAGIAN III
PELESENAN

6. Hiburan tanpa lesen dilarang.
7. Larangan terhadap penjualan tiket, dsb., untuk hiburan tanpa lesen.
8. Permohonan untuk mendapatkan lesen.
9. Pemberian lesen.
10. Fi lesen.
11. Syarat atau sekatan.
12. Tempoh lesen.
13. Pembaharuan lesen bukan suatu hak.
14. Lesen hendaklah dipamerkan.
15. Cagaran.
16. Pembatalan lesen.
17. Rayuan.

BAHAGIAN IV
KUASA UNTUK MENYIASAT, MENANGKAP, MENYITA,
MELUCUTHAKKAN. DSB.

18. Kuasa untuk masuk dan menyiasat.
19. Kuasa menutup tempat hiburan.
20. Kuasa untuk menghendaki butir-butir.
21. Penangkapan.
22. Pengeledahan.

Seksyen

23. Penyitaan.
24. Pelucuthakan.
25. Pelucuthakan jika ada pendakwaan.
26. Pelucuthakan jika tiada pendakwaan.
27. Kuasa pegawai polis tidak disentuh.

BAHAQIAN V

KESALAHAN DAN PENDAKWAAN

28. Halangan.
29. Sekatan ke atas penjualan tiket tanpa kebenaran.
30. Penalti am.
31. Liabiliti pengarah, dsb.
32. Penjalanan pendakwaan.
33. Pengkompaunan kesalahan.

BAHAQIAN VI

PELBAGAI

34. Pengecualian.
35. Peraturan.
36. Pemansuhan.

ENAKMEN BIL. 1 TAHUN 1998

DIPERKENANKAN,

(TUN DATO' SERI (DR.) HAJI HAMDAN BIN SHEIKH TAHIR),
Yang di-Pertua Negeri

24 Rabiulakhir 1419.

17 Ogos 1998.

Suatu Enakmen untuk membuat peruntukan bagi pelesenan dan pengawalseliaan hiburan dan tempat-tempat hiburan; dan bagi perkara-perkara yang bersampingan dengannya.

[]

MAKA INILAH DIPERBUAT UNDANG-UNDANG oleh Kuasa Undangan Negeri Pulau Pinang seperti berikut:

BAHAGIAN I

PERMULAAN

1. Enakmen ini bolehlah dinamakan Enakmen Hiburan dan Tempat-Tempat Hiburan 1998 dan hendaklah mula berkuat kuasa pada tarikh yang ditetapkan oleh Pihak Berkuasa Negeri melalui pemberitahuan dalam *Warta*. Tajuk ringkas dan mula berkuat kuasa.

2. Dalam Enakmen ini, melainkan jika konteksnya menghendaki makna yang lain— Tafsiran.

“hiburan” adalah termasuk—

(a) lakonan, opera, pantomim, lakonan anekaragam, persembahan muzik, nyanyian, tarian, gimnastik, pertunjukan seni mempertahankan diri, gerak

akrobatik dan silap mata, pertandingan kecantikan, tablo, tunjuk cara, peragaan dan pawai, yang dalamnya orang-orang hidup mengambil bahagian;

- (b) pertunjukan bunga api, alatan set, perhiasan peringatan dan rupa-an makhluk-makhluk benar atau khayalan;
- (c) sarkas dan pameran binatang;
- (d) pameran model, bahan bacaan, gambar, fotograf, ukuran atau rupa-an patung atau rupa-an-rupa-an lain berbentuk manusia atau binatang;
- (e) pameran filem sinematograf, wayang gambar video dan pertunjukan boneka;
- (f) reproduksi atau siaran, dengan apa-apa cara jua pun selain daripada telefoni atau telefoni radio, bagi apa-apa muzik, lagu atau ucapan, selain daripada yang berkaitan dengan sesuatu filem sinematograf;
- (g) mesin dan peranti yang, jika dimanipulasi, memberikan peluang untuk memenangi hadiah-hadiah dalam bentuk wang atau barang;
- (h) meja pin, biliard, snuker dan permainan video;
- (i) apa-apa jenis pertandingan sukan antara apa-apa bilangan orang atau binatang;
- (j) pertandingan terancang bagi permainan kemahiran atau nasib;
- (k) apa-apa kombinasi mana-mana bentuk hiburan yang tersebut di atas; atau
- (l) apa-apa hiburan lain yang diisytiharkan oleh Pihak Berkuasa Negeri dari semasa ke semasa melalui perintah dalam *Warta*,

ENAKMEN HIBURAN DAN
TEMPAT-TEMPAT HIBURAN 1998

5

di mana-mana tempat yang orang ramai dibenarkan memasukinya dengan atau tanpa bayaran wang atau apa-apa balasan lain;

“lesen” ertinya sesuatu lesen yang diberikan di bawah subseksyen 9(1);

“Mahkamah” ertinya Mahkamah Majistret Kelas Pertama;

“meja pin” ertinya apa-apa meja, papan atau alatan lain, yang dikendalikan dengan syiling atau cakera, yang direkabentuk untuk membolehkan pengendalinya bermain suatu permainan yang kejayaannya diukur dengan pendorongan satu atau lebih daripada satu objek bergerak ke arah sasaran atau matlamat atau dengan pemerolehan suatu bilangan mata, atau dengan kedua-duanya;

“orang diberi kuasa” ertinya Pegawai Pelesen atau mana-mana orang yang diberi kuasa oleh Pegawai Pelesen secara bertulis di bawah seksyen 5;

“Pegawai Pelesen” ertinya mana-mana orang yang dilantik di bawah seksyen 3;

“peraturan” ertinya mana-mana peraturan yang dibuat di bawah Enakmen ini;

“pihak berkuasa tempatan” ertinya mana-mana pihak berkuasa tempatan yang ditubuhkan di dalam Negeri Pulau Pinang di bawah Akta Kerajaan Tempatan 1976 atau mana-mana undang-undang lain yang berhubungan dengan penubuhan kerajaan tempatan, dan termasuk mana-mana orang yang menjalankan fungsi-fungsi pihak berkuasa tempatan di bawah mana-mana undang-undang sedemikian;

Akta 171.

“syarat atau sekatan” ertinya syarat atau sekatan yang tertakluk kepadanya lesen diberikan di bawah subseksyen 9(1);

“tempat hiburan” ertinya mana-mana tempat yang di atasnya ada apa-apa binaan atau struktur, apa-apa premis atau bangunan sama ada sementara atau kekal atau apa-apa kenderaan di air

atau mana-mana tempat lain yang di dalamnya atau di situ sesuatu hiburan diadakan atau dicadangkan hendak diadakan dan yang ke situ orang ramai dibenarkan masuk dengan atau tanpa bayaran, dan termasuklah sesuatu taman hiburan.

BAHAGIAN II PENTADBIRAN

Perantikan
Pegawai
Pelesen.

3. (1) Pihak Berkuasa Negeri boleh, melalui pemberitahuan dalam *Warta*, melantik sekian banyak Pegawai Pelesen yang difikirkannya perlu bagi maksud melaksanakan peruntukan-peruntukan Enakmen ini.

(2) Pemberitahuan tentang sesuatu perlantikan di bawah subseksyen (1) hendaklah menyatakan kawasan atau daerah yang di dalamnya Pegawai Pelesen itu boleh menjalankan kuasa-kuasa dan melaksanakan kewajipan-kewajipan yang diberikan atau dikenakan ke atasnya di bawah Enakmen ini atau mana-mana peraturan.

Kuasa Pihak
Berkuasa
Negeri
untuk
menghaskan
arahan.

4. Pihak Berkuasa Negeri boleh dari semasa ke semasa memberi mana-mana Pegawai Pelesen arahan-arahan yang bersifat am dan tidak bertentangan dengan peruntukan-peruntukan Enakmen ini tentang perjalanan kuasa dan budi bicara yang diberikan kepada Pegawai Pelesen itu melalui Enakmen ini atau mana-mana peraturan dan Pegawai Pelesen itu hendaklah melaksanakan semua arahan sedemikian.

Pemberi-
kuasaan.

5. Pegawai Pelesen boleh secara bertulis memberi kuasa mana-mana pegawai awam atau mana-mana pegawai atau pekerja mana-mana pihak berkuasa tempatan untuk menjalankan fungsi-fungsi orang diberi kuasa di bawah Enakmen ini.

BAHAGIAN III PELESENAN

Hiburan
tanpa lesen
dilarang.

6. (1) Tiada seorangpun boleh mengadakan hiburan di mana-mana tempat melainkan jika Pegawai Pelesen telah memberikan—

(2) Bagi maksud menimbangkan sesuatu permohonan untuk mendapatkan sesuatu lesen, Pegawai Pelesen boleh menghendaki pemohon memberinya apa-apa maklumat tambahan yang dikehendakinya.

(3) Tanpa menjejaskan subseksyen (2), bagi maksud menimbangkan sesuatu permohonan untuk mendapatkan lesen untuk mengadakan hiburan, Pegawai Pelesenan boleh menghendaki pemohon memberinya skrip, jika ada, dan apa-apa maklumat yang dinyatakannya yang berhubungan dengan perkara-perkara yang berikut—

(a) butir-butir mengenai orang-orang yang terlibat dalam penganjuran hiburan atau kepentingan-kepentingan yang diwakili oleh orang-orang itu;

(b) butir-butir mengenai orang-orang yang telah diundang atau bersetuju untuk mengambil bahagian dalam hiburan itu atau yang telah mengambil bahagian dalam hiburan itu dan kepentingan-kepentingan yang diwakili oleh orang-orang itu; dan

(c) tujuan yang baginya apa-apa keuntungan daripada hiburan itu dicadangkan hendak digunakan atau telah digunakan.

(4) Bagi maksud seksyen ini, ungkapan "skrip", berhubungan dengan sesuatu persembahan lakonan, ertinya teks lakonan itu (sama ada yang dinyatakan dengan perkataan atau simbol muzik atau simbol lain) berserta dengan apa-apa arahan pentas atau arahan lain bagi persembahannya, sama ada terkandung dalam satu dokumen tunggal atau tidak.

Pemberian
lesen.

9. (1) Pegawai Pelesen boleh, mengikut budi bicaranya, memberikan lesen atau enggan memberikan lesen yang dipohon di bawah seksyen 8.

(2) Lesen berkenaan dengan mana-mana tempat tidak boleh diberikan di dalam mana-mana kawasan pihak berkuasa tempatan melainkan jika pemohon mengemukakan—

ENAKMEN HIBURAN DAN
TEMPAT-TEMPAT HIBURAN 1998

9

- (a) lesen yang dikeluarkan oleh pihak berkuasa tempatan itu; atau
- (b) kelulusan bertulis daripada pihak berkuasa tempatan itu,

yang membenarkan tempat itu digunakan sebagai tempat hiburan.

10. (1) Walau apa pun seksyen 9, sesuatu lesen hanya boleh dikeluarkan selepas pemohon membayar fi yang ditetapkan. Fi lesen.

(2) Pegawai Pelesen hendaklah membayar masuk semua fi yang dikutip di bawah subseksyen (1) ke dalam Kumpulan Wang Disatukan Negeri.

11. (1) Tiap-tiap lesen hendaklah tertakluk kepada apa-apa syarat atau sekatan yang dikenakan oleh Pegawai Pelesen. Syarat atau sekatan.

(2) Mana-mana pemegang lesen yang melanggar mana-mana syarat atau sekatan adalah melakukan suatu kesalahan dan apabila disabitkan boleh didenda tidak melebihi sepuluh ribu ringgit atau dipenjarakan selama tempoh tidak melebihi tiga tahun atau kedua-duanya.

12. Sesuatu lesen hendaklah sah selama apa-apa tempoh yang ditentukan oleh Pegawai Pelesen, tetapi tidak boleh melebihi satu tahun. Tempoh lesen.

13. Sesuatu lesen tidaklah boleh diperbaharui sebagai suatu hak dan sesuatu permohonan untuk memperbaharui sesuatu lesen hendaklah dikira sebagai permohonan di bawah seksyen 8 untuk mendapatkan lesen. Pembaruan lesen bukan suatu hak.

14. (1) Setiap pemegang lesen hendaklah mempamerkan pada setiap masa di tempat ketara di tempat hiburan— Lesen hendaklah dipamerkan.

- (a) lesen berkenaan dengan tempat hiburan itu; dan
- (b) lesen berkenaan dengan hiburan yang diadakan di tempat hiburan itu.

(2) Mana-mana pemegang lesen yang melanggar subseksyen (1) adalah melakukan suatu kesalahan.

Cagaran. 15. (1) Pegawai Pelesen boleh, sebelum memberikan sesuatu lesen di bawah Enakmen ini, menghendaki mana-mana orang supaya memberikan cagaran, yang tidak boleh melebihi dua puluh ribu ringgit, dalam bentuk yang ditentukan oleh Pegawai Pelesen untuk memastikan bahawa apa-apa syarat atau sekatan lesen itu dan peruntukan-peruntukan Enakmen ini atau mana-mana peraturan adalah dipatuhi dengan sewajarnya.

(2) Pegawai Pelesen boleh, selepas memberi pemegang lesen peluang untuk didengar, melucuthakkan kesemua atau sebahagian daripada cagaran itu jika Pegawai Pelesen itu berpuas hati bahawa terdapat pelanggaran mana-mana syarat atau sekatan lesen itu atau pelanggaran mana-mana peruntukan Enakmen ini atau mana-mana peraturan.

(3) Walau apa pun subseksyen (2), pelucuthakan apa-apa cagaran atau mana-mana bahagiannya di bawah subseksyen itu tidaklah boleh ditafsirkan sebagai menghalang pendakwaan mana-mana orang kerana melanggar mana-mana syarat atau sekatan sesuatu lesen atau melanggar mana-mana peruntukan Enakmen ini atau mana-mana peraturan.

(4) Pegawai Pelesen hendaklah membayar masuk apa-apa cagaran yang dilucuthakkan di bawah subseksyen (2) ke dalam Kumpulan Wang Disatukan Negeri.

Pembatalan lesen. 16. (1) Pegawai Pelesen boleh pada bila-bila masa melalui notis bertulis yang disampaikan mengikut subseksyen (2) dan (3) membatalkan sesuatu lesen—

(a) jika telah berlaku pelanggaran mana-mana syarat atau sekatan lesen itu atau pelanggaran mana-mana peruntukan Enakmen ini atau mana-mana peraturan atau mana-mana undang-undang bertulis yang berkaitan dengan pihak berkuasa tempatan; atau

(b) jika berlaku sebarang pecah keamanan, halangan, gangguan atau kecederaan kepada residen di kawasan tempat hiburan yang berkaitan dengannya lesen telah dikeluarkan; atau

(c) jika, pada pendapat Pegawai Pelesen mana-mana persembahan tersebut adalah bersifat merbahaya, lucuh, atau tidak bermoral, atau mungkin merbahaya kepada nyawa manusia atau boleh menyebabkan kecederaan kepada mana-mana orang.

(2) Tiap-tiap notis pembatalan sesuatu lesen hendaklah disampaikan dengan—

(a) menampalkan suatu salinan notis itu di tempat hiburan; dan

(b) menyampaikan suatu salinan notis itu—

(i) kepada orang yang didapati menjaga dan menguruskan tempat hiburan itu; dan

(ii) kepada pemegang lesen jika orang yang disebut dalam subperenggan (i) bukan pemegang lesen.

(3) Jika notis pembatalan lesen tidak dapat disampaikan mengikut subperenggan (2)(b)(ii), Pegawai Pelesen boleh menghantar notis itu melalui pos berdaftar kepada pemegang lesen di alamat yang dinyatakan dalam borang permohonan untuk mendapatkan lesen itu; dan tiap-tiap notis yang dihantar melalui pos berdaftar mengikut subseksyen ini hendaklah disifatkan telah disampaikan dengan sewajarnya mengikut dan dengan mematuhi kehendak seksyen ini.

(4) Apabila sesuatu lesen taman hiburan dibatalkan di bawah seksyen ini, lesen-lesen untuk semua tempat hiburan lain yang terletak di dalam taman hiburan tersebut hendaklah dianggap sebagai terbatal.

(5) Pembatalan sesuatu lesen tidak boleh ditafsirkan sebagai menghalang pendakwaan mana-mana orang kerana melanggar mana-mana syarat atau sekatan lesen itu atau melanggar mana-mana peruntukan Enakmen ini atau mana-mana peraturan.

Rayuan. 17. (1) Mana-mana orang yang terkilan dengan—

(a) keputusan Pegawai Pelesen di bawah seksyen 9 yang enggan memberinya lesen;

(b) mana-mana syarat atau sekatan yang dikenakan oleh Pegawai Pelesen di bawah subseksyen 11(1);

(c) pelucuthakan cagaran di bawah subseksyen 15(2); atau

(d) pembatalan lesennya di bawah subseksyen 16(1),

boleh, dalam masa tiga puluh hari dari tarikh dia diberitahu secara bertulis tentang keputusan, syarat, sekatan, pelucuthakan atau pembatalan itu, merayu kepada Pihak Berkuasa Negeri.

(2) Tiap-tiap rayuan kepada Pihak Berkuasa Negeri hendaklah dialamatkan kepada Setiausaha Majlis Mesyuarat Kerajaan Negeri.

(3) Pihak Berkuasa Negeri boleh mengesahkan atau mengeneipikan keputusan Pegawai Pelesen dan keputusan Pihak Berkuasa Negeri adalah muktamad dan konklusif dan tidak boleh dipersoalkan atau berupaya dipersoalkan di mana-mana mahkamah.

BAHAGIAN IV

KUASA UNTUK MENYIASAT, MENANGKAP, MENYITTA, MELUCUTHAKKAN, DSB.

Kuasa untuk
masuk dan
menyiasat.

18. (1) Mana-mana pegawai polis yang berpangkat tidak rendah daripada Inspektor, atau mana-mana orang diberi kuasa, boleh, tanpa waran dan dengan tujuan untuk menentukan sama ada syarat-syarat atau sekatan-sekatan sesuatu lesen atau peruntukan-peruntukan Enakmen ini atau mana-mana peraturan dipatuhi—

(a) memasuki mana-mana tempat hiburan; dan

(b) menjalankan apa-apa penyiasatan di tempat hiburan itu.

(2) Bagi maksud penyiasatan di bawah subseksyen (1), pegawai polis atau orang diberi kuasa yang disebut dalam subseksyen itu boleh—

(a) memeriksa tempat hiburan itu; dan

(b) menghendaki mana-mana orang mengemukakan barang-barang, buku-buku, akaun-akaun, tiket-tiket atau dokumen-dokumen atau benda-benda lain atau memberikan apa-apa maklumat yang difikirkan perlu oleh pegawai polis atau orang diberi kuasa itu.

(3) Mana-mana pegawai polis dan orang diberi kuasa yang berupa sebagai menjalankan apa-apa kuasa di bawah seksyen ini hendaklah, apabila diminta oleh mana-mana orang, menunjukkan surat kuasanya kepada orang itu.

19. (1) Mana-mana pegawai polis yang berpangkat tidak rendah daripada Inspektor atau mana-mana orang diberi kuasa yang menjalankan kuasa di bawah seksyen 18 boleh, tanpa menjejaskan perjalanan selanjutnya kuasa yang diberikan kepadanya oleh seksyen itu, dengan serta-merta mengambil langkah-langkah yang difikirkannya perlu untuk menutup sesuatu tempat hiburan jika dia berpuas hati bahawa—

Kuasa
menutup
tempat
hiburan.

(a) telah berlaku pelanggaran mana-mana syarat atau sekatan lesen; atau

(b) hiburan yang diadakan di dalamnya melanggar mana-mana peruntukan Enakmen ini atau mana-mana peraturan.

(2) Bagi maksud seksyen ini "menutup" ertinya membuat atau menyebabkan tempat hiburan tersebut tidak boleh beroperasi sebagai sesuatu tempat hiburan.

(3) Tiada pampasan boleh dibayar bagi apa-apa kerugian atau kerosakan yang disebabkan oleh penutupan terus mana-mana tempat hiburan di bawah seksyen ini.

Kuasa untuk
menghendaki
butir-butir.

20. Mana-mana pegawai polis yang berpangkat tidak rendah daripada Inspektor atau mana-mana orang diberi kuasa boleh menghendaki mana-mana orang yang semunasabahnya dipercayai olehnya telah melakukan suatu kesalahan di bawah Enakmen ini atau mana-mana peraturan memberikan nama, nombor kad pengenalan dan alamatnya.

Penangkapan.

21. (1) Mana-mana pegawai polis yang berpangkat tidak rendah daripada Inspektor atau mana-mana orang diberi kuasa boleh menangkap tanpa waran mana-mana orang yang semunasabahnya dipercayai olehnya telah melakukan suatu kesalahan di bawah seksyen 6, 7, 11 atau 28 Enakmen ini.

(2) Mana-mana orang yang ditangkap di bawah subseksyen (1) hendaklah dibawa ke balai polis yang paling hampir dan hendaklah dibawa ke hadapan mahkamah dalam masa dua puluh empat jam dari penangkapannya.

Pengele-
dahan.

22. (1) Jika mana-mana Majistret, atas maklumat bertulis dan selepas siasatan yang difikirkannya perlu, mempunyai sebab untuk percaya bahawa—

(a) suatu kesalahan di bawah Enakmen ini atau mana-mana peraturan telah atau sedang dilakukan di mana-mana tempat; atau

(b) apa-apa keterangan atau benda yang perlu untuk penyiasatan apa-apa kesalahan di bawah Enakmen ini atau mana-mana peraturan boleh ditemui di mana-mana tempat,

dia boleh, melalui waran, membenarkan mana-mana pegawai polis yang berpangkat tidak rendah daripada Inspektor, atau mana-mana orang diberi kuasa, yang dinamakan dalam waran itu, dengan atau tanpa apa-apa bantuan yang diperlukan oleh pegawai polis atau orang diberi kuasa itu, masuk dan menggeledah tempat itu.

(2) Walau apa pun subseksyen (1), jika mana-mana pegawai polis yang berpangkat tidak rendah daripada Inspektor atau mana-mana orang diberi kuasa ada alasan yang munasabah untuk percaya bahawa—

(a) suatu kesalahan di bawah Enakmen ini atau mana-mana peraturan telah atau sedang dilakukan di mana-mana tempat; dan

(b) oleh sebab apa-apa kelengahan untuk mendapatkan waran geledah tujuan pengeledahan itu mungkin akan terkecewa,

maka pegawai polis atau orang diberi kuasa itu boleh, dengan atau tanpa bantuan, memasuki tempat itu dan boleh menggeledah tempat itu dan memeriksa mana-mana orang yang semunasabahnya dipercayai olehnya mempunyai kaitan dalam pengurusan atau penganjuran apa-apa hiburan atau menjadi pengkhidmat atau ejen penganjur hiburan itu atau tuan punya tempat hiburan itu.

(3) Tiada seorang perempuan pun boleh diperiksa di bawah seksyen ini kecuali oleh orang perempuan.

23. (1) Mana-mana pegawai polis yang berpangkat tidak rendah daripada Inspektor atau mana-mana orang diberi kuasa yang menjalankan kuasa-kuasa di bawah seksyen 18 atau 22 boleh menyita apa-apa dokumen atau benda yang semunasabahnya dipercayai olehnya sebagai mempunyai kaitan dengan, atau dapat memberikan keterangan tentang pelakuan sesuatu kesalahan di bawah Enakmen ini atau mana-mana peraturan. Penyitaan.

(2) Pegawai polis atau orang diberi kuasa yang menyita apa-apa dokumen atau benda di mana-mana tempat di bawah subseksyen (1) hendaklah menyediakan suatu senarai dokumen dan benda yang disita dan dengan segera menyerahkan suatu salinan yang ditandatangani olehnya kepada penghuni atau

tuan punya tempat itu, atau pengkhidmat atau ejennya, yang berada di tempat itu.

Pelucuthakan. 24. Semua dokumen atau benda yang disita di bawah Enakmen ini boleh dilucuthakkan.

Pelucuthakan jika ada pendakwaan. 25. (1) Jika ada pendakwaan yang melibatkan apa-apa dokumen atau benda yang disita di bawah Enakmen ini, maka pelucuthakan atau pelepasan mana-mana dokumen atau benda sedemikian hanya boleh dibuat mengikut perintah Mahkamah yang di hadapannya pendakwaan itu telah diadakan.

(2) Walau apa pun subseksyen (1), jika dibuktikan sehingga Mahkamah berpuas hati bahawa—

(a) suatu kesalahan terhadap mana-mana peruntukan Enakmen ini atau mana-mana peraturan telah dilakukan; dan

(b) mana-mana dokumen atau benda ialah hal perkara bagi atau telah digunakan dalam melakukan kesalahan itu,

Mahkamah hendaklah melucuthakkan dokumen atau benda itu walaupun tiada seorang pun telah disabitkan atas kesalahan itu.

(3) Semua dokumen atau benda yang dilucuthakkan di bawah seksyen ini hendaklah diserahkan kepada Pegawai Pelesen dan hendaklah dilupuskan mengikut arahan Pegawai Pelesen itu.

Pelucuthakan jika tiada pendakwaan. 26. (1) Jika tiada pendakwaan yang melibatkan apa-apa dokumen atau benda yang telah disita di bawah Enakmen ini, maka dokumen atau benda itu hendaklah diambil dan disifatkan telah terlucuthak apabila tamat tempoh satu bulan kalendar dari tarikh penyitaannya melainkan jika suatu tuntutan telah dibuat baginya sebelum tamat tempoh itu mengikut cara yang dinyatakan dalam subseksyen (2).

(2) Mana-mana orang yang mengatakan bahawa dia adalah pemunya apa-apa dokumen atau benda yang disita di bawah Enakmen ini dan bahawa dokumen atau benda itu tidak boleh dilucuthakkan boleh, sama ada sendiri atau melalui ejennya yang diberi kuasa secara bertulis, memberikan notis bertulis kepada Pegawai Pelesen bahawa dia menuntut dokumen atau benda yang disita itu.

(3) Apabila Pegawai Pelesen menerima notis di bawah subseksyen (2) dia boleh mengarahkan supaya dokumen atau benda itu dilepaskan atau supaya perkara itu dirujuk kepada seorang Majistret.

(4) Majistret yang kepadanya rujukan dibuat di bawah subseksyen (3) hendaklah mengeluarkan saman menghendaki—

(a) orang yang menuntut bahawa dia adalah pemunya dokumen atau benda yang disita; dan

(b) orang yang daripadanya dokumen atau benda itu disita,

hadir di hadapannya pada hari yang ditetapkan dalam saman itu.

(5) Pada hari yang ditetapkan di bawah subseksyen (4), dan setelah dibuktikan bahawa saman telah disampaikan dengan sewajarnya kepada setiap orang yang disebut dalam perenggan (4)(a) dan (4)(b), Majistret hendaklah terus memeriksa perkara itu, walaupun mana-mana orang itu tidak hadir.

(6) Jika, setelah selesai pemeriksaan yang dibuat di bawah subseksyen (5) berkenaan dengan sesuatu dokumen atau benda, Majistret berpuas hati bahawa—

18 NEGERI PULAU PINANG BIL. 1 TAHUN 1998

- (a) suatu kesalahan terhadap mana-mana peruntukan Enakmen ini atau mana-mana peraturan telah dilakukan; dan
- (b) dokumen atau benda itu ialah hal perkara bagi atau telah digunakan dalam melakukan kesalahan itu,

Majistret itu hendaklah memerintahkan pelucuthakan dokumen atau benda itu; tetapi jika Majistret tidak berpuas hati sedemikian, dia hendaklah memerintahkan supaya dokumen atau benda itu dilepaskan dan diserahkan kepada orang yang pada pendapatnya berhak kepada dokumen atau benda itu.

Kuasa pegawai polis tidak disentuh N.M.B. Bab 6.

27. Tiada apa-apa jua dalam bahagian ini boleh disifatkan sebagai menyentuh kuasa-kuasa seorang pegawai polis di bawah Kanun Prosedur Jenayah.

BAHAGIAN V

KESALAHAN DAN PENDAKWAAN

Halangan. 28. Mana-mana orang yang—

- (a) menghalang mana-mana pegawai polis atau orang diberi kuasa yang dengan sah menjalankan apa-apa kuasa yang diberikan kepadanya oleh atau di bawah Enakmen ini atau mana-mana peraturan;
- (b) apabila dikehendaki oleh pegawai polis atau orang diberi kuasa itu supaya mengemukakan apa-apa barang, buku, akaun, tiket atau dokumen atau benda lain yang dia berkuasa atau sepatutnya berkuasa, dalam perjalanan biasa urusan, mengemukakannya, berlengah-lengah mengemukakannya kepada pegawai polis atau orang diberi kuasa itu;
- (c) apabila dikehendaki oleh pegawai polis atau orang diberi kuasa itu supaya memberikan apa-apa maklumat, enggan memberikan maklumat itu atau memberikan maklumat yang palsu atau yang mengelirukan; atau

- (d) menghalang penyitaan apa-apa dokumen atau benda lain di bawah seksyen 23, atau penutupan mana-mana tempat hiburan di bawah seksyen 19,

adalah melakukan suatu kesalahan dan apabila disabitkan boleh didenda tidak melebihi sepuluh ribu ringgit atau dipenjarakan selama tempoh tidak melebihi tiga tahun atau kedua-duanya.

29. (1) Tiada seorang pun boleh menjual, atau menawarkan atau mempamerkan atau ada dalam miliknya untuk dijual, atau memujuk rayu supaya dibeli, apa-apa tiket yang membenarkan atau berupa sebagai membenarkan kemasukan ke mana-mana tempat hiburan kecuali di pejabat penjualan tiket, gerai, pintu putar atau kaunter atau mana-mana tempat lain yang ditetapkan oleh tuan punya atau pengurus tempat itu atau oleh pengelola hiburan yang diadakan di dalamnya.

Sekatan ke atas penjualan tiket tanpa kebenaran.

(2) Mana-mana orang yang melanggar subseksyen (1) adalah melakukan suatu kesalahan dan apabila disabitkan boleh didenda tidak melebihi lima ribu ringgit atau dipenjarakan selama tempoh tidak melebihi dua tahun atau kedua-duanya.

30. Mana-mana orang yang melakukan suatu kesalahan di bawah Enakmen ini atau mana-mana peraturan yang baginya tiada penalti diperuntukkan dengan nyata boleh apabila disabitkan didenda tidak melebihi dua ribu ringgit atau dipenjarakan selama tempoh tidak melebihi satu tahun atau kedua-duanya.

Penalti am.

31. (1) Jika sesuatu kesalahan di bawah Enakmen ini atau mana-mana peraturan telah dilakukan oleh suatu kumpulan orang, sama ada diperbadankan atau tidak diperbadankan, maka mana-mana orang yang pada masa kesalahan itu dilakukan ialah seorang pengarah, pengurus, setiausaha atau selainnya bertanggungjawab bagi pengurusan kumpulan orang itu, atau yang berupa sebagai bertindak atas sifat sedemikian, hendaklah disifatkan telah melakukan kesalahan itu melainkan jika dia membuktikan bahawa—

Liabiliti pengarah, dsb.

(a) kesalahan itu telah dilakukan tanpa persetujuannya atau tanpa pembiarannya; dan

(b) dia telah menjalankan segala usaha untuk mencegah pelakuan kesalahan itu sebagaimana yang sepatutnya telah dijalankan olehnya memandangkan jenis fungsi-fungsinya atas sifat itu dan memandangkan semua hal keadaan.

(2) Mana-mana orang yang melakukan suatu kesalahan jika apa-apa jua telah dilakukan atau ditinggalkan olehnya sendiri adalah juga disifatkan melakukan kesalahan itu dan boleh dikenakan penalti yang sama jika perbuatan atau ketinggalan itu telah dilakukan oleh pekongsi, ejen atau pengkhidmatnya dalam perjalanan urusan perkongsian itu atau dalam perjalanan pekerjaannya, mengikut mana-mana yang berkenaan, melainkan jika dia membuktikan bahawa—

(a) kesalahan itu telah dilakukan tanpa pengetahuannya atau persetujuannya; dan

(b) dia telah mengambil langkah berjaga-jaga yang munasabah untuk mencegah pelakuan atau peninggalan perkara itu.

(3) Tiada apa-apa jua dalam subseksyen (2) boleh melepaskan pekongsi, ejen atau pengkhidmat yang disebut dalam subseksyen itu daripada menjadi boleh didakwa.

Penjalanan
pendakwaan.

32. Pendakwaan berkenaan dengan kesalahan-kesalahan yang dilakukan terhadap Enakmen ini atau mana-mana peraturan boleh dijalankan oleh mana-mana orang yang diberi kuasa secara bertulis oleh Pendakwa Raya.

Pengkom-
paunan
kesalahan.

33. (1) Pegawai Pelesen boleh mengkompaunkan mana-mana kesalahan di bawah Enakmen ini atau mana-mana peraturan yang ditetapkan sebagai kesalahan yang boleh dikompaunkan dengan menyetujui daripada orang yang semunasabahnya disyaki telah melakukan kesalahan itu

sejumlah wang yang tidak melebihi lima puluh peratus daripada denda maksimum yang dengannya kesalahan itu boleh dihukum.

(2) Apabila jumlah wang yang tersebut dalam subseksyen (1) disetujui terima berkenaan dengan sesuatu kesalahan daripada orang yang disebut dalam subseksyen itu, tiada prosiding selanjutnya boleh diambil terhadap orang itu berkenaan dengan kesalahan itu dan apa-apa dokumen atau benda yang disita berkaitan dengan kesalahan itu hendaklah dilepaskan, tertakluk kepada apa-apa terma dan syarat yang dikenakan oleh Pegawai Pelesen yang mengkompaunkan kesalahan itu.

(3) Pegawai Pelesen hendaklah membayar masuk semua jumlah wang yang disetujui terima di bawah subseksyen (1) ke dalam—

(a) Kumpulan Wang Disatukan Negeri; atau

(b) jika diarahkan sedemikian oleh Pihak Berkuasa Negeri, kumpulan wang mana-mana pihak berkuasa tempatan atau mana-mana kumpulan wang lain.

BAHAGIAN VI PELBAGAI

34. Pihak Berkuasa Negeri boleh mengikut budi bicaranya ^{Pengecualian.} mengecualikan—

(a) mana-mana hiburan atau kelas hiburan; atau

(b) mana-mana tempat hiburan atau kelas tempat hiburan,

daripada mana-mana peruntukan Enakmen ini atau mana-mana peraturan jika hiburan itu dimaksudkan semata-mata untuk tujuan-tujuan keagamaan, pendidikan, rekreasi, sosial, kebajikan atau khairat dan bukan untuk faedah kewangan.

Peraturan.

35. (1) Pihak Berkuasa Negeri boleh membuat peraturan-peraturan untuk menetapkan apa-apa jua yang dikehendaki oleh Enakmen ini supaya ditetapkan dan bagi melaksanakan peruntukan-peruntukan Enakmen ini dengan lebih baik.

(2) Tanpa menjejaskan keluasan makna subseksyen (1), peraturan-peraturan boleh dibuat bagi maksud—

- (a) melarang atau mengawalselia apa-apa jenis hiburan atau penggunaan apa-apa jenis alat atau kelengkapan atau peranti di mana-mana tempat hiburan;
- (b) menghendaki ada jalan keluar, pengudaraan, pencahayaan, langkah-langkah pencegahan kebakaran, kemudahan-kemudahan kebersihan dan kemudahan-kemudahan awam lain yang munasabah yang mencukupi di tempat-tempat hiburan;
- (c) mengawalselia perilaku pelakon, penyanyi dan penghibur lain, skrip, persembahan, pakaian dan alat-alat yang digunakan dalam mana-mana hiburan;
- (d) memastikan orang-orang yang mengunjungi mana-mana tempat hiburan berkelakuan sopan dan teratur;
- (e) menetapkan langkah-langkah yang mesti diambil oleh pemegang lesen sesuatu tempat hiburan demi keselamatan orang-orang di tempat hiburan itu, termasuk melarang dibawa masuk ke tempat itu apa-apa jua yang boleh membahayakan orang atau harta;
- (f) menetapkan jenis-jenis kesalahan yang boleh dikompaunkan dan prosedur-prosedur bagi mengkompaunkan kesalahan-kesalahan itu;
- (g) menetapkan apa-apa fi yang perlu bagi maksud-maksud Enakmen ini;

(h) menetapkan borang-borang bagi permohonan untuk mendapatkan lesen dan bentuk lesen-lesen yang akan dikeluarkan di bawah Enakmen ini.

(2) Peraturan-peraturan yang dibuat di bawah seksyen ini boleh memperuntukkan bahawa apa-apa perbuatan atau ketinggalan yang melanggar mana-mana peruntukan peraturan-peraturan itu adalah suatu kesalahan dan bahawa mana-mana orang yang disabitkan atas kesalahan itu boleh didenda atau dipenjarakan atau kedua-duanya, tetapi penalti itu tidak boleh melebihi—

(a) bagi denda, dua ribu ringgit; dan

(b) bagi tempoh pemenjaraan, satu tahun.

36. (1) Tertakluk kepada subseksyen (2), apabila Enakmen ini mula berkuat kuasa, Enakmen Panggung Wayang dan Tempat Hiburan Awam, 1958 (selepas ini disebut "Enakmen termansuh") hendaklah terhenti berkuat kuasa dan hendaklah disifatkan telah dimansuhkan di Negeri Pulau Pinang.

Pemansuhan.
En. Pn.
10/1958.

(2) Walau apa pun subseksyen (1)—

(a) tiada apa-apa jua yang terkandung dalam Enakmen ini boleh menghalang mana-mana orang daripada didakwa atau dihukum di bawah Enakmen termansuh bagi apa-apa kesalahan yang dilakukan di bawah Enakmen termansuh sebelum mula berkuatkuasanya Enakmen ini;

(b) apa-apa prosiding di bawah Enakmen termansuh yang belum diputuskan sebelum mula berkuatkuasanya Enakmen ini hendaklah diteruskan di bawah Enakmen termansuh seolah-olah Enakmen ini tidak dibuat;

- (c) apa-apa kaedah-kaedah yang dibuat oleh Yang di-Pertua Negeri dalam mesyuarat di bawah seksyen 11 Enakmen termansuh hendaklah terus berkuat kuasa setakat ianya tidak bertentangan dengan atau digantikan dengan peruntukan-peruntukan Enakmen ini, sehingga dibatal atau diganti secara nyata atau tersirat oleh peraturan-peraturan yang dibuat oleh Pihak Berkuasa Negeri di bawah seksyen 35 Enakmen ini;
- (d) apa-apa lesen yang telah dikeluarkan di bawah Enakmen termansuh hendaklah terus berkuat kuasa dan mempunyai kuat kuasa sehingga tamat tempoh yang baginya ia telah diberikan tetapi ia hendaklah tertakluk kepada peruntukan-peruntukan Enakmen ini dan mana-mana peraturan dan boleh dibatalkan di bawah dan mengikut Enakmen ini;
- (e) apa-apa perlantikan atau pemberikuasaan yang dibuat di bawah Enakmen termansuh hendaklah terus berkuat kuasa dan mempunyai kuat kuasa seolah-olah ia telah dibuat di bawah Enakmen ini, sehinggalah perlantikan atau pemberikuasaan itu dibatalkan atau digantikan di bawah Enakmen ini.

Diluluskan di dalam Dewan Undangan Negeri pada 10 Jun 1998.

AHMAD JAMIL BIN HASHIM,
Setiausaha Dewan Undangan Negeri,
Pulau Pinang

[PSUK/PP/007.1.5 Jld. 5.]

ARRANGEMENT OF SECTIONS

**PART I
PRELIMINARY**

Section

1. Short title and commencement.
2. Interpretation.

**PART II
ADMINISTRATION**

3. Appointment of Licensing Officers.
4. Power of State Authority to issue directions.
5. Authorization.

**PART III
LICENSING**

6. Entertainment without licence prohibited.
7. Prohibition against sale of tickets, etc., for entertainment without licence.
8. Application for a licence.
9. Grant of licence.
10. Licence fees.
11. Conditions or restrictions.
12. Duration of licence.
13. Licence not renewable as of right.
14. Licence to be exhibited.
15. Security.
16. Revocation of licence.
17. Appeal.

**PART IV
POWERS OF INVESTIGATION, ARREST, SEIZURE, FORFEITURE, ETC.**

18. Power to enter and investigate.
19. Power to close place of entertainment.
20. Power to demand particulars.
21. Arrest.
22. Search.

Section

- 23. Seizure.
- 24. Forfeiture.
- 25. Forfeiture if there is prosecution.
- 26. Forfeiture if there is no prosecution.
- 27. Powers of police officer unaffected.

PART V
OFFENCES AND PROSECUTION

- 28. Obstruction.
- 29. Restriction on unauthorized sale of tickets.
- 30. General penalty.
- 31. Liability of director, etc.
- 32. Conduct of prosecution.
- 33. Compounding of offences.

PART IV
MISCELLANEOUS

- 34. Exemption.
- 35. Regulations.
- 36. Repeal.

ENACTMENT NO. 1 OF 1998

I ASSENT,

(TUN DATO' SERI (DR.) HAJI HAMDAN BIN SHEIKH TAHIR),
Yang di-Pertua Negeri

17th August 1998.
24th Rabiulakhir 1419.

An Enactment to provide for the licensing and regulation of entertainment and places of entertainment; and for matters incidental thereto.

[]
BE IT ENACTED by the Legislature of the State of Penang as follows:

PART I
PRELIMINARY

1. This Enactment may be cited as the Entertainment and Places of Entertainment Enactment 1998 and shall come into force on such date as may be appointed by the State Authority by notification in *Gazette*. Short title and commencement.

2. In this Enactment, unless the context otherwise requires— Interpretation.

“authorized person” means the Licensing Officer or any person who is authorized by the Licensing Officer in writing under section 5;

“condition or restriction” means a condition or restriction subject to which a licence is granted under subsection 9(1);

"Court" means a Court of a Magistrate of the First Class;

"entertainment" includes—

- (a) plays, opera, pantomimes, variety acts, performances of music, singing, dancing, gymnastics, martial arts demonstrations, acrobatics and legerdemain, beauty contests, tableaux, demonstrations, displays and parades in which living persons take part;
- (b) displays of fireworks, set pieces, commemorative decorations and representations of real or mythical creatures;
- (c) circuses and exhibitions of animals;
- (d) exhibition of models, reading matter, pictures, photographs or of statuary or other forms of representation of human or animal figures;
- (e) exhibition of cinematograph films, video movies and puppet shows;
- (f) reproductions or transmissions otherwise than in association with a cinematograph film, by any means whatsoever other than telephony or radiotelephony, of any music, song or speech;
- (g) machines and devices by the manipulation of which chances are given of obtaining prizes in money or kind;
- (h) pin-table, billiards, snooker and video games;
- (i) sporting contests of any kind between any number of persons or animals;
- (j) organized competitions at games of skill or chance;

ENTERTAINMENT AND PLACES OF ENTERTAINMENT 29
ENACTMENT 1998

(k) any combination of any of the above forms of entertainment; or

(l) any other entertainment which the State Authority may, from time to time, by order in the *Gazette*, declare,

in any place to which members of the public are admitted with or without payment of money or other consideration;

“licence” means a licence granted under subsection 9(1);

“Licensing Officer” means any person appointed under section 3;

“local authority” means any local authority established in the State of Penang under the Local Government Act 1976 or any other law relating to the establishment of local governments, and includes any person carrying on the functions of a local authority under any such law; *Act 171.*

“pin-table” means any coin or disc operated table, board or other appliance designed to enable the operator to play a game, success in which is measured by the propulsion of one or more movable objects towards targets or goals or by the attainment of a number of points or by both;

“place of entertainment” means any place on which there is any erection or structure, any premises or building whether temporary or permanent or any waterborne craft or other place in or at which entertainment is being provided or is intended to be provided and to which the public are admitted with or without payment for admission, and includes an amusement park;

“regulations” means any regulations made under this Enactment.